

UNIBERTSITATEA. Hezkuntza mailan autodeterminatzera deitu du



MIREN SAEZ

Arnaldo Otegi Batasuneko bozeramailea, atzo, EHUko campusean, Gasteizen.

Proiektu nazionala pizteko dituen aukerak baliatzera deitu dio Otegi Jaurlaritzari

Espainiako legeak utzi «zirrituen» menpeko arau propioa egin nahia gogor gaitzetsi du

Luis Karlos Garcia | GASTEIZ

«Euskal unibertsitate nazionala» sortzeko dituen aukerak baliatzeko eskatu zion atzo Arnaldo Otegi Batasuneko bozeramaileak Eusko Jaurlaritzari. Otegi dei egin zien Unibertsitatean zeresana duten alde guztiei euren baliabideak erabil ditzaten Euskal Herri osorako unibertsitatea eratzeke.

Batasunak etzi larunbata Bilbon burujabetzaren alde egingo duen manifestazioan parte hartzeko gonbidapena egin zien atzo Otegi Gasteizko Filologia, Historia eta Geografiako ikasleei. Bere esanetan, «hezkuntza mailan ere autodeterminatu» behar denez, Bilbon egon beharko lukete Euskal Herri osoko unibertsitatearen alde dauden guztiek.

Otegi «duintasunez» jokatzeko eskatu dio Lakuari

Hori bai, Batasuneko eledunaren ustez, ekimen horrek ez du zertan Espainiako Gobernuak prestatu duen lege proiektuak uzten dituen «zirrituen» zain egon: «Urratsak egin behar dira, baina ez esparru honek uzten dituen zirrituei begira egonda, euskaldunok behar dugun unibertsitatearen bila baizik».

ARNALDO OTEGI

Batasuneko bozeramailea

«Ibili behar da behar dugun Unibertsitatearen bila, ez marko honek utzitako zirrikitei begira»

ARANTXA URKAREGI

Batasuneko bozeramailea

«Euskal Herriak sistema propioa izateko eskubidea du, hartzaindegitik Unibertsitatetaino»

Ildo horretan, Gasteizko Gobernuak «duintasunez» jokatu beharra duela nabarmendu zuen.

EAJri eta EAri buruz ari zela, Otegi zorrotz kritikatu zituen desobedientziaren erabilera «gauzak argi eduki gabe» proposatu dutenak. Izan ere, dei egin zuen «planto demokratikoa» egitera eta euskal herritarrek non eta nola ikasi behar duten Madrilek erabakitzea ez onartzera: «Desobedientziak jokatu beharra dugu, baina serioski, lege propioa egitea ez

baita Espainiako legeari txapela jartzea».

Lau printzipio dituen ereduak proposatu du Batasunak

Otegiarekin batera Euskal Herriko Unibertsitatearen Gasteizko campusean izan zen atzo Arantza Urkaregi, Batasuneko ordezkari eta unibertsitate horretako irakaslea ere. Urkaregiren esanetan, «Euskal Herriak bere hezkuntza sistema propioa garatzeko eskubidea dauka, hartzaindegitik unibertsitatetaino». Horregatik, Espainiako Gobernuak prestatutako legea aipatutako eskubidea gauzatzeko «beste oztopo bat» dela esan zuen.

Eusko Jaurlaritzak iragarri duen lege propioaren harira, «Euskal Herri osokoa» izatea ezinbesteko duela adierazi zuen Urkaregik. Gainera, honoko ezaugarriok hartu zituen premiazkotzat: zazpi herrialdeetarako barruti bakarra, euskaraz ikasteko eskubidearen bermea, funtzionamendu demokratikoa eta irakasleria propioa (kontratatutako irakasle mota berriak garatu beharra).

Halaber, Otegi ohartarazi zuen PPren Unibertsitate legearen xedea dela «dauden apurrrak murriztea». Politikari aber tzalearen irudiko, erasoaren zioa da espainiar zein frantses Estatuek «oso arriskugarritzat» jotzen dutela Euskal Herriak bere Unibertsitatea izatea.

HEZKUNTZA

Etikari buruzko jardunaldiak hasiko dituzte bihar EAEko eskola katolikoek Gasteizen

Iker Aranburu | DONOSTIA

Bihar arratsaldean eta larunbat osoan zehar 400 lagun inguru elkartuko dira Gasteizko Europa jauregian *Heziketa eta Etika aniztasunezko gizarte* izeneko jardunaldietan parte hartzeko. Hizlarien artean izango da Jose Maria Setien Gipuzkoako gotzain izandakoa.

Arabako, Bizkaiko eta Gipuzkoako eskola katolikoak biltzen dituen EIEF Euskadiko Irakaskuntzarako Erlijio-soen Federakuntzak antolatu ditu topaketak, bi urtetik behin egiten duen lege. Jardunaldien ondorioekin liburuxka osatzeko asmoa dute, duela bi urte egin bezala, Felix Ezama EIEFeko idazkariak jakinarazi zuenez.

Isabel Frias jardunaldieta-ko idazkari teknikoak atzo Donostian azaldu zuenez, jardunaldiak lau helburu dituzte: jarrera etiko ezberdinen berri ematea eta horiek sortzen dituzten aukerak eta arriskuak neurtzea; gai horien inguruan kristau-eskolek egiten duten gogoeta ezagutaraztea eta gizartearen zalantzei erantzutea; gizarteari itxaropenezko ikuspegi etikoa ematea; eta intelektualen pentsamendua eguneroko hezkuntza jarduerara hurbiltzea.

Ostiral arratsaldean eta larunbata egun osoz

Ostiral arratsaldean *Gizartearen ikuspegi orokorra etikan begiradapean* gaia jorratuko dute Xabier Etxeberria Deustuko Unibertsita-

teko Etika irakasleak, Jose Luis Velazquez Madrilgo Unibertsitate Autonomoko Filosofia Politikoko irakasleak eta Carlos Diaz Madrilgo Complutense Unibertsitateko Filosofia irakasleak.

Larunbat goizean, berriz, Emilio Martinez Filosofian doktorea eta Setien gotzaina *Pertsona, etikaren subjektu* gaiaz arituko dira. Arratsaldean, *Errealitatea ikuspegi kristauaren argitan* gaiaz eztabaidatuko dute Eduardo Lopez Azpitarte Granadako Teologia fakultateko errektoreordeak eta Imanol Zubero EHUko irakasleak.

Atal bakoitzeko hitzaldien ondoren, hizlariekin mahai inguruak izango dira eta batzarkideek parte hartu ahal izango dute.

Hiru ikasle bat biltzen dira ikaste erlijiosoetan

Topaketetan parte hartuko duten gehienak eskola katolikoetako irakasleak izango dira, baina han izango dira gurasoak, Eliza katolikoko ordezkariak eta beste zenbait eskola adarretako kideak ere.

Arabako, Bizkaia eta Gipuzkoan 178 ikastetxe erlijioso daude. Horietatik 156 orden erlijiosoen esku daude eta 22, berriz, Elizbarrutien kontrolpean.

Euskadiko Elizaren Gizarte Ekimeneko zentroek 95.378 ikasle biltzen dituzte. Eskola pribatuaren barnean talde nagusia osatzen dute eta EAEko hezkuntza ez-unibertsitarioko ikasle osoen %31,88 hartzen dituzte.

Basaburuko Udala

Xehetasun Azterketaren hasierako onartzea

Basaburuko Udalbatzarak, 2001eko azaroaren 12an egindako bilkuran, erabaki zuen hasiera batean onartzea Jarduera Unitatearen Xehetasun Azterketa, Igoako (Basaburua) 9 Poligonoko 16 Lur Sailerako, Ascensio Alsua Huarte jaunak sustatua eta Luis Uhalte Sevilla jaunak eta Jose Luis Salinas Garin jaunak idatzia, eta 2001eko urriaren 17an bisatua, atarape bat eraikitzeke.

Espedientearen jendearen eskura egongo da hamabost egunean, iragarki hau nafarroako ALDIZKARI OFIZIALEAN argitaratu eta hurrengo egunean kontatzen hasita, aztertzeko modua izan dadin eta egoki iritziz gero alegazioak egin daitezkeen, gutzia Lurraldea eta Hirigintza Antolatzeko 10/94 Foru Legeko 119 artikuluari jarraituz.

Halaxe jakinarazten da, denok jakin dezaten.

Basaburua, 2001eko azaroaren 13a.
Alkate Presidentea,
Benito Alberro Goñi jauna.

BASABURUKO UDALA
AYUNTAMIENTO DE BASABURU
48970 BASABURU (BIZKAIA)
EKOLOGIA ARLOA
ZERGIEN KUDEAKETA ETA IKUSKARITZAKO ATALA

IRAGARKIA

Basaburuko Udalbatzak, 2001eko urriaren 30eko ohiko osoko bilkuran, beste zenbait erabakirekin batera, hurrengo hau erabaki zuen:

Udalizaingoa eskaintzen dituen zerbitzu bereziak direla-eta, Tasa ezartzeko espedienteari behin-behineko onespenera ematea, eta gainera, alde batetik, hori agintzea, eta bestetik, dagokion ordenantziari behin-behineko onespenera ematea.

Behin-behineko onespenera ematea Zerga Ordenantziak eta prezio publikoak aldatzeko espediente orokorrari, 2002ko urtarrilaren 1ean indarrean sar dadin.

Hau guztia argitaratzen da, interesatuek espedientearen aztertu eta egoki irizkitzen errekamazio eta iradokizunak aurkezteko aukera izan dezaten, iragarki hau Bizkaiko Aldizkari Ofizialean argitaratzen den bihamunetik hasita HOGITA HAMAR laneguneko epean, horrela baitago aurrikusia Toki-Ogasuna arautzen duen ekainaren 30eko 5/89 Foru-Arauari 16. Artikuluan eta Toki-Erregimenen Oinarriak arautzen dituen apirilaren 2ko 7/1985 Legearen 49. Artikuluan.

Epe hori agortutakoan, Udalbatzak aztertu egingo ditu aurkeztutako errekamazio edo iradokizunak, eta egoki irizkitzen behin betiko erabakiak hartuko ditu. Errekamaziorik ez balitz aurkeztuko, ordurarte behin-behineko litzatekeen erabakia, handik aurrera behin betikoa izango da.

Basaburua, 2001eko urriaren 13a.
ALKATEA